

JOANÏNÊ papia ñamataña

“Joanñê papia ñamataña” nec ñac tau keto kêtú ñam kapôên luagêcña. Tenj gebe êkêli lausêsamwaga gebe sêmbinj taunj tônj tamij Anôtô agêc Latu Jesu Kilisi, go tenj gebe ênam la êsêac gebe sejop taunj êndênj mêtê-geowaga. Embe têtanduguc êsêacnênj mêtê geo, oc êkac êsêac su anja Anôtô agêc Kilisi nênj. Mêtê keso ñam kêsêp lau, tañ seboç tamoa nom nec sec, tec têtônj gebe Anôtônê Latu Jesu mênjkêtu ñamalac ñanô atom. Kedônjwaga dansañ tonañ sêsôm gebe ñamalac sêmoa nom nec, kêtú sec ñamanô tau. Takônij nênj dabe tamoa matenj jalina tônj acgom, go amboac tajam taunj kêsigac. Go lau tonañ têtônj binj keso amboac tec gêwinj seboç Anôtô ênam lau kêsina gêjac lênj mansañ to têtac êwinj taunja ñawae atom.

Joan tec gesenj binj keso tonañ ñai ma gêwa Jesu kêtú ñamalac ñanô ñabinj sa gêc awêgenj, go kêtúwaka binj tonec sa gêc awê gêwinj gebe lau samob, tañ sêkênj gêwinj Jesu to têtac gêwinj Anôtô nanj, têtac êwinj elom tau amboac tonanjenj.

Ñadênanj

1. Joan gêjac m papia tau 1:1-4
2. Ñawê to ñakesec 1:5-2:29
3. Anôtônê ñapalê to Sadañne ñapalê 3:1-24
4. Binjanô to binjdansañ 4:1-6
5. Têtac êwinj launja gêjac samob ñawae 4:7-21
6. Takênj gêwinj ñanô kêtú gênj nomña samob tulu 5:1-21

Biñ tañ kêtú dangôñ matêñ jali ñañamôkê

¹ Aêac ato gêdêñ amac kêpi biñ, tañ kêtú dangôñ materñ jali ñañamôkê nanñ. Biñ tau tonañ gêmoa gêdêñ Anôtô kêkêñ undambê to nom atomgenñ. Aêac anô biñ tau to alic ña materñanô. Aêac asala to ma lemeñ amosac biñ tau. ² Materñ jali ñañamôkê geoc tau lasê, tec aêac alic to awa sa ma asôm lasê gêdêñ amac. Materñ jali ñañamôkê tengeñña tau gêmoa gêwiñ Tama ma geoc tau lasê gêdêñ aêac. ³ Biñ tañ alic to anô nanñ, aêac asôm lasê gêdêñ amac amboac tonañgeñ, gebe êmbiñ aêac tôñ tapi tagenñ dawinñ Tameñi agêc Latu Jesu Kilisi. ⁴ Aêac ato biñ tonañ gebe têtac ñajam ênac dabiñ tau.

Anôtô enñ ñawê

⁵ Ñawae tañ aêac anô anña ênê ma asôm lasê gêdêñ amac nanñ, biñ tau tonec gebe Anôtô enñ ñawê, ma ñakesec tenñ gêc enña atomanô. ⁶ Aêac embe tasôm gebe aêac to enñ dabiñ tauñ tôñ tapi tagenñ, mago embe tasa lêñ ñakesecña, oc tansau biñdansañ ma dangôm biññanô tau ñanô êsa atom. ⁷ Aêac embe tasa lêñ ñawêña amboac enñ tau gêmoa ñawê ñalêlôm, go aêac tauñ dambiñ tauñ tôñ ma Anôtônê Latu Jesu nê dec êkwasiñ aêacnêñ sec samob su tatu selec. ⁸ Aêac embe tasôm gebe nêñ sec masi, oc tansau tauñ ma biññanô ênêc aêacnêñ ñalêlôm atom. ⁹ Ma embe daoc nêñ sec lasê, oc ñac ñañêñ to gêdêñ tau êsuc aêacnêñ sec ôkwi ma êkwasiñ aêacnêñ biñ geo samob su tatu selec. ¹⁰ Aêac embe tasôm gebe dagôm sec atom, oc takêñ Anôtô êtu dansañtêna, ma ênê biñ ênêc aêacnêñ ñalêlôm atom.

2

Kilisi kêtú aêacnêñ gêjamsawaga

¹ O ñoc gêñac, aê kato biñ tonec gêdêñ amac gebe angôm sec atom. Mago ñac teñ embe êngôm sec, go ñac gêdêñ Jesu Kilisi tau êtu aêacnêñ ênamawenwaga êndêñ Tama. ² Ñac tau kêkêñ tau kêtú da kêtú aêacnêñ secña. Mago kêtú aêac taunğen nêñ secña atom, kêtú lau nomña samob nêñ secña. ³ Aêac embe tamansañ Anôtônê biñsu, go êwa aêac sa gebe tajala enğac. ⁴ Teñ embe êsôm gebe “Aê kajala enğac,” mago êmansañ ênê biñsu atom, nañ en dansañtena, ma biññanô gêc ênê ñalêlôm atom. ⁵ Ñac tañ kêmasañ Anôtônê biñ nañ, gêjac dabiñ nê têtac gêwiñ enña tonjanôgen. ⁶ Biñ tonañ gêwa aêac sa gebe Anôtô gêbiñ aêac têt. Ñac tañ kêsôm gebe “Anôtô gêbiñ aê têt” nañ, êsa nê lêñ êtôm Kilisinê lêñ.

Biñsu wakuc

⁷ O lauace, aê kato biñsu wakuc teñ gêdêñ amac atom, biñsu lanğwa, tañ akôc gêdêñ gêmunğen. Biñ tañ anô su nañ, biñsu lanğwa tau tonañ. ⁸ Mago aê kato biñsu wakuc teñ, tañ ñanô kêsa kêpi Kilisi to amac nañ, gebe ñakesec gê su ma ñawê tau mênkêpoa lasêgac. ⁹ Ñac tañ kêsôm gebe “Aê gamoa ñawê ñalêlôm” mago têtac gedec nê lasitêwai nañ gêmoa ñakesec ñalêlôm e mênğêdêñ galoc. ¹⁰ Ñac tañ têtac gêwiñ nê lasitêwai nañ, gêmoa ñawê ñalêlôm ma nê biñ êwa lakô launja teñ gêc ênê ñalêlôm atom. ¹¹ Mago ñac, tañ têtac gedec nê lasitêwai nañ, gêmoa ñakesec ñalêlôm ma kêsa lêñ ñakesecña. En gêjam kauc gamên, tañ gebe êna nañ, gebe ñakesec gêgôm en matapec kêsa.

¹² O ηος γêηac, aê tec kato gêdêη amac nec, ηam gebe nêm sec gêjaηagac kêtου Jesunê ηaêηa. ¹³ O tamenjac, aê kato gêdêη amac, ηam gebe ajala eη, taη gêmoa geden Anôtô kêkêη undambê to nom atomgenη naη. O lau matakac, aê kato gêdêη amac, ηam gebe aku ηac sec tau tulu su. ¹⁴ O ηapalêac, aê kato biη gêdêη amac, ηam gebe ajala Tamemi su. O tamenjac, aê kato biη gêdêη amac, ηam gebe ajala eη, taη gêmoa gêdêη Anôtô kêkêη undambê to nom atomgenη naη. O lau matakac, aê kato biη gêdêη amac, ηam gebe atu lau ηajaηagac ma Anôtônê biη gêc amacnêm ηalêlôm, tec aku ηac sec tau tulu su.

¹⁵ Têmtac êwiη nom to gêη nomηa samob atom. Teη embe têtac êwiη nom, naη oc têtac êwiη Tama atom. ¹⁶ Gêη nomηa samob, ôliη ηakalac to materη kalac ma gêη tetoc taη saηa naη aηga Tamenjinê atom, aηga nomηagenη. ¹⁷ Nom to ηagêηlêlôm ηakalac oc ênaηa, ma ηac taη êmansaη Anôtônê biη naη, oc êmoa endenη tôηgenη.

Kilisinê ηacjosêga

¹⁸ O ηapalêac, têm ηamuηa mênkêsa su. Amac aηô gebe Kilisinê ηacjosêga oc êmêη, ma galoc Kilisinê ηacjosêga taêsam sêmoa. Biη tonaη gêwa sa gêdêη aêac gebe têm ηamuηa mênkêsa su. ¹⁹ Lau tonaη sêsa aηga aêacnêη, mago têtου aêacnêη ηagêdô ηanô atom. Embe aêacnêη ηagêdô ηanô êsêac, oc semoa sêwiη aêac sêmoa. Mago sêwi aêac siη tec gêwa sa gebe êsêac samob têtου aêacnêη ηagêdô ηanô atom.

²⁰ Mago ηac dabuη genη oso amac, tec ajala biηηanô tau. ²¹ Aê kato gêdêη amac kêtου asagenη. Kato gebe amac ajala biηηanô atom me. Masigoc. Kato gebe ajala biηηanô tau su ma ajala

gebe biñdansañ teñ kêsa anğa biññanôña atom. ²² Dansañtêna tau asa. Nac tañ gêsa Jesu auc gebe eñ Kilisi atom. Ma Nac tañ gêsa Tama agêc Latu auc nañ, eñ Kilisinê ñacjosêga tau. ²³ Lau samob, tañ sêsa Latu auc nañ, sêwê kainñ Tama atom. Ma samob, tañ sêsôm Latu lasê nañ, sêwê kainñ Tama sêwiñ. ²⁴ Biñ tañ gemuñgeñ anô nañ, ênêc nê m ñalêlôm. Biñ tañ gêmuñgeñ anô nañ, embe ênêc nê m ñalêlôm, go Tama agêc Latu oc sêmbiñ amac tøj. ²⁵ Ma biñ tau, tañ gêjac mata gêdêñ aêac nañ, tonec gebe danğonñ materñ jali teñgeñ.

²⁶ Aê kato biñ tonañ gêdêñ amac kêpi êsêac, tañ sebe sêwê amac ajô nañ. ²⁷ Amboac tonañ apô lêna ñac êndonñ amacña teñ atom. Nalau Dabuñ kêdonñ amac gêñ samobña gêmoa. Ma biñ tau tonañ biñdansañ atom, biññanô. Amboac tonañ asap Kilisi tøj êtôm biñ, tañ Nalau kêdonñ amac nañ.

²⁸ O ñoc gêjac, galoc tonec asap eñ tøj, ec ñac tau embe eoc tau lasê, nañ tamoa totêntac êpa sugenñ ma êñgôm aêac majenñ êsa êndênñ noc êmu êmênña atom. ²⁹ Embe nê m kauc êsa gebe eñ ñac gêdêñ, go ajala gebe lau samob, tañ sêgôm biñgêdêñ nañ, têt u Anôtônê ñapalê.

3

Aêac tatu Anôtônê ñapalê

¹ Alic acgom, Tamenñi têtac gêwiñ aêac kainñ teñ ñanô, tec kêsam aêac gebe Anôtônê ñapalê. Ma aêac tatu ênê ñapalê biññanôgoc. Lau nomña tec sêjam kauc aêac, gebe sêjala eñ atom. ² O lauace, galoc tatu Anôtônê ñapalêgac. Mago êtu ñamu aêac oc tamoa amboac ondocgeñ. Biñ tonañ geoc tau lasê

gêdêñ aêac atom tageñ. Biñ tonec tec tajalagac gebe Kilisi embe eoc tau lasê, go tatôm eñ tau, gebe aêac talic eñ lañôanô. ³ Ma lau samob, tañ sêkêñ mateñ eñ nañ, sêmansañ tauñ têtû selec, têtôm eñ tau kêtu selec.

⁴ Lau samob, tañ sêgôm sec nañ, sesenñ Anôtônê biñsu. Sec tau ñam gebe dansenñ Anôtônê biñsu. ⁵ Amac ajalagac gebe Kilisi geoc tau lasê gebe êkôc sec su. Ma sec teñ gêc eñña atom. ⁶ Lau samob, tañ Kilisi gêbiñ êsêac tôñ nañ, sêgôm sec atom. Lau samob, tañ sêgôm sec nañ, sêlic eñ atom to sêjala eñ atom.

⁷ O ñoc gêñac, ajôp taôm gebe teñ êwê amac ajô atom. Ñac tañ gêgôm gêñ gêdêñ nañ, eñ ñac gêdêñ, kêtôm Kilisi tau eñ ñac gêdêñ. ⁸ Ñac tañ gêgôm sec nañ, eñ aña Sadañnê, gebe Sadañ tau gêjac m sec gêdêñ andanjenñ ñapañ e galoc. Anôtônê Latu geoc tau lasê gebe ensenñ Sadañnê kôm su.

⁹ Ñac tañ kêtu Anôtônê ñapalê nañ, gêgôm sec atom, gebe Anôtônê ñaclai kêsêp ênê ñalêlôm. Eñ kêtôm gebe êngôm sec atom, gebe kêtu Anôtônê ñapalê. ¹⁰ Biñ tonec gêwa Anôtônê ñapalê to Sadañnê ñapañ sa gebe Lau samob, tañ sêgôm gêñ gêdêñ atom to têtac gêwiñ lasitêwai atom nañ, Anôtônê ñapalê êsêac atom.

Biñ takêñ têtac êwiñ elom taunña

¹¹ Jaenñ tañ amac añô gêdêñ andanjenñ nañ, gebe takêñ têtac gêwiñ elom tau. ¹² Aêac tatôm Kain atommanñ. Eñ aña ñac sec nê, tec gêjac lasi êndu. Gêjac eñ êndu ñam amboac ondoci. Ñam tonec gebe êna lêñ sec, ma lasinê lêñ gêdêñ. ¹³ O lasitêwaac, lau nomña embe têtac endec amac, nañ atakê atom.

14 Aêac têtac gawiñ lasitêwai, tec gêwa ea gêdên aêac gebe dawi gêmacanô siñ ma talom dangôn maten jaliña. Nac tañ têtac gêwiñ atom nañ, gacgen gêmoa gêwiñ gêmacanô. 15 Nac tañ têtac gedec lasitêwai nañ, kêtû ñac-gêjac-ñamalacênduwaga. Amac ajalagac gebe ñacgêjac-ñamalac-ênduwaga oc êwê kain êngôn mata jali tengeñña atom. 16 Kilisi kêkên tau gêjo aêac su, tec gêwa têtac gêwiñ ñam sa gêdên aêac. Amboac tonañ aêac takên tauñ tajô lasitêwai tanac ñawaegen amboac tonañ. 17 Nac ten embe nê awa nomña ênêc ma êlic nê lasitêwai sêpô lêna tauñ, mago nê ñalêlôm ñadani êndên êsêac, nañ têtac êwiñ Anôtôña ênêc ênê ñalêlôm amboac ondogen. 18 O ñoc gêñac, aêac têtac êwiñ ña biñ to ña awensuñ ñaôma atom têtac êwiñ ñanôgen to ñakolen êwiñ acgom.

Takô Anôtô lañônêm totêntac êpa sugen

19 Biñ tonec êwa sa êndên aêac gebe aêac anga biññanôña, ma takô Anôtônê lañônêm tonên ñalêlôm malô. 20 Nêñ ñalêlôm embe êmêtôc aêac, go tajala gebe Anôtô en ñac kapôên kêlêlêc aêacnên ñalêlôm su ma kêjala gêñ samob. 21 O lauace, aêacnên ñalêlôm embe êmêtôc aêac atom, nañ takô Anôtô lañônêm totêntac êpa sugen. 22 Ma embe taten gêñ ten, oc takôc ñanô su anga ênê, gebe aêac tamasan ênê biñsu ma dagôm gêñ, tañ gêjac en mataanô ñajam nañ. 23 Ma ênê biñsu tau tonec gebe takên êwiñ ênê Latu Jesu Kilisi nê ñaê ma takên têtac gêwiñ elom tau êtôm biñsu, tañ kêkên gêdên aêac nañ. 24 Nac tañ kêmasañ ênê biñsu nañ, Anôtô gêbiñ ñac tau tôñ gêmoa gêwiñ en. Anôtô

kêkêñ Njalau gêdêñ aêac, tec gêwa sa gebe Anôtô gêbiñ aêac tôn.

4

Anôtônê Njalau ma Kilisinê ñacjosêganê ñalau

¹ O lauace, propete dansañ taêsam mênşêsa dêdêñ ñamalac, tec akêñ êwiñ ñalau samob atom. Ansaê ñalau acgom e ajala oc anğa Anôtônê me masi. ² Amac ajala Anôtônê Njalau êndêñ biñ tonec gebe Njalau tañ êsôm lasê gebe Jesu Kilisi kêtú ñamalac nañ, eñ anğa Anôtônê. ³ Ma ñalau, tañ êsôm biñ tonañ lasê êpi Jesu atom nañ, anğa Anôtônê atom. Eñ Kilisinê ñacjosêganê ñalau. Amac anô su gebe oc êmên ma galoc gêmoa nom sugac.

⁴ O ñoc gêñac, amac anğa Anôtônê, tec aku ñacjo tulu su, gebe Njalau tañ gêmoa gêwiñ amac nañ, ñajaña kêlêlêc ñalau, tañ gêmoa gêwiñ lau nomña nañ su. ⁵ Êsêac anğa nom. Kêtu tonañña êsêac sêsôm biñ nomña ma lau nomña sêkêñ tañeñ êsêac. ⁶ Aêac anğa Anôtônê. Nac tañ kêjala Anôtô nañ, kêkêñ taña aêac. Nac tañ anğa Anôtônê atom nañ, kêkêñ taña aêac atom. Biñ tonañ gêwa Njalau biññanôña to ñalau dansañña sa gêdêñ aêac.

Têntac gêwiñ ñamôkê Anôtô tau

⁷ O lauace, takêñ têntac gêwiñ elom tau gebe têntac gêwiñ anğa Anôtônê. Lau samob, tañ têntac gêwiñ nañ, têtú Anôtônê ñapalê ma sêjala Anôtô kêtú tôn. ⁸ Nac tañ têtac gêwiñ gêc eñña atom nañ, gêjam kauc Anôtô, gebe Anôtô kêtú têntac gêwiñ ñamôkê. ⁹ Anôtô geoc nê têtac gêwiñ lasê kêpi biñ tecenec gebe eñ kêsakiñ nê Latu tagen gêmên nom gebe danğôn mater jali êtu eñña. ¹⁰ Têntac gêwiñ

ņam kēsēp aēac tētac gēwiņ Anôtôņa nec atom, kēsēp Anôtô tētac gēwiņ aēacņa ma kēsakiņ Latu mēņkēkēņ tau kētu da kētu aēacnēņ secņa.

¹¹ O lauace, Anôtô embe tētac êwiņ aēac kaiņ teņ amboac tonañ, go aēac takēņ tētac gēwiņ elom tau tanac ņawaegen amboac tonañgeņmaņ. ¹² ņamalac teņ gēlic Anôtô atomanô. Aēac embe takēņ tētac gēwiņ elom tau, go Anôtô êmbiņ aēac tōņ ma nē tētac gēwiņ ênac dabiņ tau ênēc aēacnēņ ņalēlôm.

¹³ Eņ kēkēņ ņalau gēdēņ aēac aņga tau nē ņalau, tec gēwa aēac sa gebe tamoa dawiņ Anôtô ma Anôtô gēmoa gēwiņ aēac. ¹⁴ Ma aēac alic to awa sa gebe Tama kēsakiņ Latu gebe êtu nom ņakēsiwaga. ¹⁵ ņac teņ embe êsôm lasē gebe Jesu eņ Anôtônē Latu, go Anôtô êmoa êwiņ eņ ma eņ êmoa êwiņ Anôtô. ¹⁶ Ma aēac tajala to takēņ gēwiņ gebe Anôtô tētac gēwiņ aēac ņanô.

Anôtô eņ tētac gēwiņ ņamôkē. Ma ņac taņ gēmoa totētac gēwiņgeņ naņ, gēmoa gēwiņ Anôtô ma Anôtô gēmoa gēwiņ eņ. ¹⁷ Aēac tec tamoa nom tatôm Kilisi gēmoa nom. Aēac embe taēņ ênam bēc mêtôcna totētac êpa sugen, go êwa sa gebe tētac gēwiņ gējac dabiņ tau aņga nēņ ņalēlôm. ¹⁸ Aēac embe tētac êwiņ ņanô, go tatēc tauņ atom. Tētac gēwiņ ņanô kētiņ tatēc tauņņa su. Tatēc tauņ ņam gebe taēņ gējam sec ņagējô. ¹⁹ Aēac tētac êwiņmaņ gebe Anôtô tētac gēwiņ aēac kētu ņamata su. ²⁰ ņac teņ embe êsôm gebe “Aē tētac gēwiņ Anôtô,” mago eņ embe tētac endec lasitēwai naņ eņ dansaņtēna. Gebe ņac teņ embe tētac êwiņ lasitēwai, taņ gēlic êsēc naņ atom, oc êtôm gebe tētac êwiņ Anôtô, taņ galic eņ atom naņ, amboac ondoc. ²¹ Biņsu taņ

takôc anja ênê nan tonec gebe Nac tan têtac gêwiñ Anôtô nan, têtac êwiñ lasitêwai amboac tonanjen.

5

Takêñ gêwiñ go taku nom njanclai tulu

¹ Lau samob, tan sêkêñ gêwiñ gebe Jesu en Kilisi nan, têtû Anôtônê njanalê. Ma samob, tan têtac gêwiñ tama nan, têtac gêwiñ latu amboac tonanjen. ² Aêac embe têtac êwiñ Anôtô to tamansañ ênê biñsu, oc êwa aêac sa gebe têtac gêwiñ ênê latui amboac tonanjen. ³ Têtac êwiñ Anôtô tau tonec gebe tamansañ ênê biñsu. Ma ênê biñsu tau nwapac atom. ⁴ Lau samob, tan têtû Anôtônê njanalê nan, sêku nom tulu. Ma aêacnêñ takêñ gêwiñ kêtû taku nom tulu njanômê. ⁵ Asa tec oc êku nom tulu. Nac tagen, tan kêkêñ gêwiñ gebe Jesu en Anôtônê Latu.

Anôtô gêwa Latu sa

⁶ Jesu Kilisi en gêmên njan bu to dec. En gêmên tobugen atom, gêmên tobu ma dec gêwiñ. Ma Njalau tau gêwa biñ tonan sa gebe biñjanô, gebe Njalau en biñjanô tau. ⁷ Amboac tonan sêwa-biñjanô-sawaga têtêac tonec, ⁸ Njalau ma bu to dec. Ma êsêac têtêac tau tagen. ⁹ Aêac embe takêñ êwiñ biñ, tan njanalac sêwa sa nan, go takêñ êwiñ biñ, tan Anôtô gêwa sa tonanô kêtêlêc su nan, amboac tonanjen. Biñ tan Anôtô gêwa sa nan tonec gebe gêwa nê Latu sa. ¹⁰ Nac tan kêkêñ gêwiñ Anôtônê Latu nan, gêmê kain biñ, têt Anôtô gêwa sa nê. Nac tan kêkêñ gêwiñ Anôtô atom nan, kêkêñ Anôtô kêtû dansantêna, gebe en kêkêñ gêwiñ biñ, tan Anôtô gêwa sa kêpi tau nê Latu nan atom. ¹¹ Ma biñ, tan Anôtô gêwa

sa nan, tonec gebe Anôtô kékêñ aêac danğôñ mater jali tenğen. Ma danğôñ mater jali tonan ñam kêsêp ênê Latu. ¹² Ñac tanğewê kain Anôtônê Latu nan, gêwê kain êñğôñ mata jali. Ma ñac, tanğewê kain Latu atom nan, gêwê kain êñğôñ mata jali atom amboac tonanğen.

Biñ danğôñ mater jali tenğenña

¹³ Aê kato biñ tonanğedên amac, tanğakênğewiñ Anôtônê Latunê ñaê nan, gebe ajala amac awê kain anğôñ matem jali tenğen. ¹⁴ Aêac embe tatenğên êtôm ênê biñ, oc êkênğanja aêac, tec dandên en tana totêntac êpa sugen. ¹⁵ Aêac embe tajala gebe êkênğanja biñ, tanğaten nan, go tajala gebe takôcğên, tanğaten nan, anğa ênê su.

¹⁶ Ñac tenğembe êlic lasi êñğôm sec, tanğkêtôm gebe ensen en su ênaña atom, nan eten Anôtô, go êkênğen êñğôñ mata jali. Biñ tonanğêkanôñ lau, tanğsêgôm sec, tanğkêtôm gebe ensen êsêac su sênaña atom nan. Mago sec tenğêc, tanğkêtôm gebe ensen ñamalac su sênaña. Aê jasôm gebe atenğmec êtu sec tonanğña atom. ¹⁷ Biñ geo samob tonanğsec. Mago sec ñagêdô kêtôm gebe ensen ñamalac su sênaña atom.

¹⁸ Aêac tajalagac gebe Anôtônê ñapaê samob sêgôm sec atom, Anôtônê Latu tau gejob êsêac, gebe Sadañ tau êmoasac êsêac atom.

¹⁹ Aêac tajalagac gebe aêac anğa Anôtônê ma nom samucgenğkêsô Sadañ ñalabu.

²⁰ Ma aêac tajalagac gebe Anôtônê Latu gêmên, tec kékêñ kaucğedên aêac gebe tajala Anôtô ñanô. Ma tamoadawiñ Anôtô ñanô tau gebe dawinğênê Latu Jesu Kilisi. Ñac tonanğAnôtô ñanô ma danğôñ

maten jali tengeŋ ɲam eŋ. ²¹ O ɲôc gêɲac, ajop taôm êndêŋ anôtôi jaba.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 21 Feb 2024 from source files dated 31 Aug 2023

447e01c5-a375-5452-ae54-b3f890293eeb